

SHIRLEY WAKIL UMS KE KEJOHANAN DUNIA

OLEH FRANCIS XAVIER
francis@newsabahtimes.com.my

KOTA KINABALU: Atlet tenis Universiti Malaysia Sabah (UMS) Shirley Ling Shio Ling akan ke Kazan, Russia untuk menyertai Pertandingan Sukan Universiti Dunia ke-25 (Universiade Games).

Olahragawati UMS tahun 2013 hanyalah atlet tunggal dari universiti itu menyertai kontinjen kebangsaan untuk Sukan yang akan berlangsung pada 6 hingga 17 Julai ini.

Shirley, yang berasal dari Sibul, Sarawak, akan mengambil bahagian dalam acara perseorangan dan juga beregu.

Sebagai rekod tenis adalah salah satu dari 13 sukan wajib untuk kejohanan itu yang lain termasuk olahraga, bola keranjang, lawan pedang, bola sepak, gimnastik artistik, jumanistik berirama, judo, renang, terjun junam, polo air, ping pong dan bola tampar.

Di samping 13 acara sukan wajib itu, kanival sukan selama dua minggu juga akan diadakan dengan menampilkan 14 acara.

Shirley, pelajar tahun pertama jurusan Sains Sukan di Sekolah Pembangunan Sosial dan Pendidikan berazam untuk mengutip pingat dalam kejohanan itu.

Berlatarbelakangkan sukan, Shirley pernah mewakili Malaysia untuk Kejohanan Bawah 14 Tahun ITF di Myanmar.

Beliau juga adalah sebahagian dari kontinjen Sarawak semasa Sukma 2008 dan 2010.

Shirley juga mewakili Majlis Sukan Sekolah-Sekolah Sarawak untuk Kejohanan



WAKIL TUNGGAL UMS ... Shirley berharap akan mendapat pingat dalam kejohanan dunia ini.

Majlis sukan sekolah-Sekolah Kebangsaan dari 2002 hingga 2009.

Antyara pencapaian atlet ini ialah memenangi pingat perak untuk UMS dalam Sukan Institusi Pengajian Tinggi (SUKIPT) yang dihoskan oleh Universiti Putra Malaysia

tahun lepas.

Shirley juga sebahagian dari pasukan kebangsaan yang memenangi pingat perak dalam sukan Indonesia-Malaysia di Bandung, Indonesia pada Mei lepas. Untuk rekod sukan edisi di Kazan ini akan menghimpunkan lebih 10,000 atlet dari 162 negara.